



國家出版基金項目
NATIONAL PUBLICATION FOUNDATION

政治・國民黨及汪偽
張上將自忠紀念集（上）



大象出版社

中國抗日戰爭史料叢刊

97

主編
虞和平

中國抗日戰爭史料叢刊

97

政治
國民黨及汪偽



大象出版社

虞和平 主編

張上將自忠紀念集（上）

張上將自忠傳記編纂委員會編輯



張上將自忠紀念集

張元濟敬題



張上將自忠紀念委員會出版

張上將自忠傳記編纂委員會編輯

張上將自忠紀念集

張元濟敬題



張上將自忠紀念委員會出版

例言

一、本集編纂委員會係二十九年七月成立於陪都因抗戰期間變故甚大勝利以來亦困難滋多致未能分頭統籌陸續不輟茲所輯集僅以重慶及上海二地為主其他各地除友朋代為搜集寄投者外如各種報誌所刊文字不能廣為搜求唯有暫付闕如

二、重慶及上海以外各地當時所已搜集者卷帙亦殊浩繁惟或以交通梗阻寄遞失誤或以戰事蔓延燬於劫火均不能編入本集

三、盟邦人士所撰哀挽追述之文字見於報誌者有英文法文俄文及世界語等類敵方讚頌之文亦時有獲見此項文字篇幅不尠惟用原文則印刷不易辦到若經迻譯又虞失真本集均不能收入

四、本集所收文字或出各方投賜或由徵求而來或係本會搜輯得之陸續搜集幾近十年其間展轉交遞遺失疏漏或恐不免所輯以三十三年雙十節前佔篇幅最多此後陸續收輯但有所獲均經補入

五、本集以政府所頒各項文件冠首下分命令傳記遺容遺墨榮宸照片墨淚影蹟輓歌祭文誄詞輓詩輓詞輓聯輓言悼文輿論唁電雜錄各週紀念文字生前拾零凡十九門類各週年紀念所得文字別為一門俾可源源補編而不混同生前有關記載及文件具有特殊意義與價值者亦摭拾為一類藉供參閱

六、本集初編訂于民國三十二年抗戰時期所有徵文台銜除國民政府林主席軍事委員會蔣委員長馮副委員長前列外其次排列悉依收到文字先後為序

七、本集各門類凡新體文字均按新體格式排印舊體文字悉不加句讀以存體制

八、張故上將德配李夫人從容殉節海內悼惜誄輓之詞大都併致故不另輯附刊

九、世局艱難各項條件力不從心本集之編纂及印刷裝潢草率簡陋難臻美善尚希各方幸諒

十、本集多賴國內君子踴躍頒錫鴻詞又蒙朝野人士暨各方友好鼎助始克編竣出版於此敬謹致謝再本集編纂委員會抗戰時期原設重慶歌樂山保育路十九號勝利後移設上海常熟路善鐘里四維廬八十五號各方倘賜指教無任企幸

張上將自忠紀念集總目

卷號 總類 篇數

頁碼

例言

卷一

命令 (九件)

一六

卷二

傳記 (一篇)

一三

卷三

遺容 (四幅)

一四

卷四

遺墨 (一八函)

一五

卷五

榮哀照片 (二六幅附錄二幅)

一六

卷六

墨淚影蹟 (一六〇件)

一五

卷七

輓歌 (三首)

一八

卷八

祭文 (四八篇)

一七

卷九	誄詞	(一三三篇)	一四
卷一〇	輓詩	(三五二首)	一五七
卷一一	輓詞	(二六首)	一八
卷一二	輓聯	(三八三幅)	一九七
卷一三	輓言	(一四二幅)	一三
卷一四	悼文	(一一二篇)	一三二
卷一五	輿論	(一八篇)	一五〇
卷一六	唁電	(六七函)	一六
卷一七	雜錄	(三三篇)	一三七
卷一八	各週年紀念文字	(五二篇)	一八
卷一九	生前拾零	(八三篇)	一三七

張上將自忠紀念集 卷一

命令

(一) 國民政府軍事委員會委員長通電

張總司令蓋忱殉國之噩耗傳來舉國震悼今其靈柩於本日運抵重慶中正於全軍舉哀悲慟之餘謹述其英偉事蹟為我全體將士告追維蓋忱生平與敵作戰始於二十二年喜峯口之役迄於今茲豫鄂之役無役不身先士卒當喜峯口之役職敵步兵兩聯隊騎兵一大隊是為蓋忱與敵搏戰之始抗戰以來一戰於灤水再戰於臨沂三戰於徐州四戰於隨縣而臨沂之役蓋忱率所部疾趨戰地一日夜達百八十里與敵板垣師團號稱鐵軍者鏖戰七晝夜卒殲敵師是為我抗戰以來克敵制勝之始今茲隨縣之役敵悉其全力三路來攻蓋忱在襄陽之方家集獨當正面斷其歸路斃敵無算我軍大捷假蓋忱不死則此役收效當不止此今強敵未夷大將先隕摧我心替喪我股肱豈唯中正一人之私痛亦我三百萬將士同胞之所同聲痛哭者也抑中正私心尤有所痛惜者蓋忱之勇敢善戰舉世皆知其智深勇沈則猶有世人未及者自喜峯口戰事之後廬溝橋戰事之前敵人密佈平津之間乘間抵隙多方以謀我其時應敵之難蓋有千百於今日之抗戰者蓋忱前主察政後長津市皆以身當樽俎折衝之交忍痛含垢與敵周旋衆謗羣疑無所搖奪而未嘗以一語自明唯中正獨知其苦衷與枉曲乃特加愛護矜全而猶為全國人士所不諒也迨抗戰既起義當超羣所向無前然後知其忠義之性

卓越尋常而其忍辱負重殺敵致果之概乃大白於世夫見危授命烈士之行古今猶多有之至於當艱難之會內斷諸心苟利國家曾不以當世之是非毀譽亂其慮此古大臣謀國之用心固非尋常之人所及知亦非尋常之人所能任也中正於蓋忱信之尤篤而知之特深蓋忱亦堅貞自矢不負平生付託之重方期安危共仗克竟全功而乃中道摧折未竟其志此中正所為於蓋忱之死重為國家前途痛悼而深惜者也雖然國於天地必有與立而我三民主義之精神即中華民國之所由建立於不敵者也蓋忱雖殉國而我三民主義之精神實由蓋忱而發揮之中華民國歷史之榮光實由蓋忱而光大之其功雖未竟吾輩後死之將士皆當志其所志效忠黨國增其敵愾前此寇仇以完成蓋忱未竟之志是蓋忱雖死猶不死也願我全體將士其共勉之蔣中正手啟

中華民國二十九年五月二十八日

(二) 國民政府軍事委員會通報

三十三集團軍張總司令蓋忱靈柩已於本日辰刻安抵重慶委員長蔣親率中央常委與各部長臨江迎柩主持喪務並呈請中央特頒蓋忱總司令撫卹費洋十萬元除其生平事蹟由委員長蔣親自撰擬交黨政史委員會存記外並將張總司令之子女由本黨中央執行委員會給資教養成年以示優異而慰忠魂其同時殉難之各官兵已令其各主管長官負責查明後一體優卹等因尚期周知全軍將士同仇敵愾共矢忠勇殺敵致果誓成先烈未竟之功特此奉令通報

中華民國二十九年五月二十八日

(三) 國民政府追晉陸軍上將令

故陸軍上將銜陸軍中將張自忠追晉為陸軍上將此令
中華民國二十九年七月七日

(四) 國民政府褒卹令

陸軍上將第三十三集團軍總司令張自忠久膺軍寄夙著忠貞盧溝橋事變後轉戰前方屢建奇勛方冀十城永寄翊成復興大業乃以鄂中戰役親當前鋒抱成仁取義之決心奮勇戡敵重創喋血猶復猛進不已並諄諄以效忠國家民族雪恥復仇勗部衆終因傷重殉職全軍感痛政府追懷壯烈軫念良深應予明令褒揚交軍事委員會從優議卹生平事蹟存備宣付國史館以示國家篤念忠勛之至意此令
中華民國二十九年七月七日

(五) 國民政府行政院會議請入祀忠烈祠提案

蓋聞威宣戰陣，鼎鐘旌大將之忠氣壯山河，春秋享崇祠之祀以故，激揚士氣，虎發疆場，振作軍心，魂愉馬革，竊查第三十三集團軍張總司令自忠抗戰以來，助敵迭著若臨沂、澠水、台兒莊，隨處諸役皆能獨張一軍，發揮戰略，創彼頑寇，振我軍威，適者鄂北、豫南，強敵傾巢，猛犯該總司令，手提助旅，屢奏凱歌，欲宏一鼓殲殲之功，不避深入，狼巢之險，追奔逐北，威稜逼人，策進雄師，斷敵歸路，卒以衆寡懸殊，從容玉碎，大星雖隕，浩氣長存，成功成仁，兼有其美，似此翊贊元戎，捍衛黨國，矢忠矢勇，不惜犧牲，自宜入祀忠烈祠，以慰英靈，庶乎千秋志士瞻廟貌，共仰忠勤，百戰健兒，聞史實，咸懷壯烈。

中華民國三十一年七月七日

(六) 國民政府入祀忠烈祠令

表忠之典，觀感攸資，戰死之榮，古今所尚。溯自抗戰軍興，時逾五載，凡我統軍將領及守土員司，莫不戮力中原，同心禦侮，英勇戰績，炳耀寰區。其或矢死靡他，見危授命，身膏鋒鏑，氣壯山河，尤足振起人心，增光史冊。至如鞏固後方，遠為策應，戰奸除暴，力靖妖氛，未能大功告成，不幸猝罹於難，雖死事有殊，而精忠無二，芳徽偉烈，薄海同欽。允宜昭肅明裡，並隆膺饗，用彰崇德報功之盛，益勵同仇敵愾之風。茲查已故第三十三集團軍總司令張自忠等，均因抗戰在事殉職，應予一體入祀首都忠烈祠，并同時入祀全國各省市縣以資矜式，而勵來茲。着由行政院分別轉飭遵照辦理。此令。

中華民國三十一年十二月三十一日

(七) 國民政府行政院內政部以湖北省

宜城縣更名自忠縣之通令

案查前准行政院秘書處本年六月十六日渝機字第一一八七二號通知單以據張故上將自忠之弟自明函呈委座請將張故上將殉國地區之湖北宜城縣更名自忠奉諭交內政部議復抄同原件通知到部經本部核議以張自忠將軍前於二十九年夏在湖北宜城境內抗戰身殉功在黨國為紀念先烈垂示後世起見擬請照准呈請行政院核示在案茲奉行政院三十三年八月二十一日義臺字第一七七一一號指令內開呈悉案經呈奉國民政府三十三年八月七日渝文字第一〇一七號指令准予備案並另鑄發新印仰即由該部通行知照此令等因奉此除通行外合行令仰知照此令
中華民國二十三年十二月三十一日

(八) 國民政府榮哀狀

榮字第一壹號

茲有陸軍上將第三十三集團軍總司令張自忠於民國二十九年五月十六日在襄河抗戰陣亡忠貞為國殊堪矜式特頒此狀永錫哀榮此狀

事蹟紀略

辛亥鼎革投筆從戎性強毅治軍嚴整士亦樂為所用長城之役轉戰秦陽日軍視為勁敵抗戰軍興歷經臨沂澠水台兒莊徐州光潰隨秦襄河西岸諸役所向有功二十九年敵發動五月攻勢大舉犯鄂北鄂南上將率部渡河追擊遭敵反撲力戰不却竟以陣亡親隨官兵全部殉難遂有襄樊之大捷

陸軍上將第三十三集團軍總司令張自忠久膺軍寄夙著忠貞盧溝橋事變後轉戰前方屢建奇勳方期千城永寄翊成復興大業乃以鄂中戰役親當前鋒抱成仁取義之決心奮勇截敵重創喋血前復猛進不已益諄諄以効忠國家民族雪恥復仇勗部衆終因傷重殉職全軍感痛政府追懷壯烈軫悼良深應予明令褒揚交軍事委員會從優議卹生平事蹟存備宣付國史館以示國家篤念忠勳之至意此令

中華民國三十五年六月五日

(九) 國民政府國葬令

故陸軍上將第三十三集團軍總司令張自忠英毅超倫矢心報國於抗日期間督軍保衛疆土助勞炳著見危授命壯烈忠貞允為軍人模範今抗戰成功自宜特予國葬用慰英靈而昭懿典著內政部依法籌辦定期舉行此令

中華民國卅六年五月十日

張上將自忠紀念集 卷二

傳記

國史館張自忠傳

妻李敏慧

張自忠字蓋忱山東臨清人祖父春林樂善好施為一鄉望父樹桂宦江蘇以青口巡檢攝轄榆縣蒙有政聲母馮恆於冬春際以布粟濟親鄰窮乏者自忠偉軀幹方額修眉兩目炯炯有神性純孝能繼先志施子不少客士故多歸之初治法律負笈天津法政學校嗣棄去往依同郡團長車震於奉天新民屯軍田麥熟隨軍刈穫震察其能負苦始補副兵荷米炭治埽壘數月手足胼胝肩背俱腫嘗於祁寒中掃除積雪肌膚皸裂血濡衣同伍審其家世皆以為難自忠怡然曰勞苦者吾形愉悅者吾心始固不習此今則吾身加健矣不聞天將降任必先苦心志勞筋骨乎震聞而奇之會有湖南之役震洊升師長賢自忠屢加拔擢旋解甲從者盡亡去惟自忠始終隨衛過廊坊薦之於馮玉祥時民國五年也自忠既隸馮部益勤奮刻勵積年以功累擢任教育委員歷學兵營長團長軍官學校校長主持幹部訓練募久十六年任第二十五師師長所部紀律嚴明為全軍冠居常夜不解衣晝不分晝與士兵同處遇有疾苦推誠撫慰如家人父子且知人善任信賞必罰部屬有過犯懲責不稍寬貸其賢能有功者賞擢立加以故深得士心懷德畏威願同生死二十二年倭入熱河進犯長城各要隘時宋哲元長第二十九軍志切禦侮自忠以第三十八師師長從之戰於喜峯口殲倭步兵兩聯隊騎兵一大隊與馮治

安劉汝明趙登禹各師並著丕績於是二十九軍之名遠播寰宇二十四年兼任察哈爾主席調天津市長時倭謀冀察日亟自忠輔哲元屏藩華北內而整軍經武嚴備非常外則壇坫折衝力措危局處境最艱用心亦最苦二十六年七月七日盧溝橋變作哲元移守保定授計自忠使留平津冀以少緩倭南下之勢自忠涕泣受命忍痛含垢以處危疑之地蹈不測之機頗為輿論所非弗恤也軍事委員會委員長蔣公察知其忠洎全面抗戰自忠喬裝浮海首都晉謁起為五十九軍軍長仍歸哲元指揮旋南調卻敵於澠水即以力戰聞二十七年春敵攻徐州以臨沂為徐唇輔勢所必爭敵酋板垣將其號稱鉄軍之第五師團佐以飛機巨礮進掠魯南其鋒甚銳自忠奉命往援率部一日夜馳百八十里料不能徒守突以全力向敵猛攻鏖戰七晝夜斬敵萬餘級敵師大潰為抗戰後第一次勝利魯南圍解我得移兵南向拊敵背夾擊繼是遂有台兒莊之捷中外政觀而後知敵之不足畏也徐州會戰我師西移自忠兼第二十七軍團長於疲敵之餘掩護大軍突圍車馬悉昇傷病躬為之殿敵不敢躡九月武漢會戰以孤軍守潢川敵至迷于巨創敵播軍訊亦自承遭遇堅強抵抗十月升任第三十三集團軍總司令馮治安副之治安與自忠交厚兩軍既合兵勢益振旋兼第五戰區右翼兵團總司令戰區司令長官李宗仁深相倚重二十八年三月京山鍾祥之役殺傷敵軍六千餘人五月敵以三師團犯隨棗自忠率兩團渡河截擊大破之於田家集敵狼狽潰退用是有鄂北之捷是冬奉令出擊自忠親臨前線指揮衝殺輒以奇兵繞敵側背克之先後斃敵聯隊長三傷敵旅團長一斬獲無算二十九年夏敵抽集重兵再犯襄樊自忠率第七十四師由宜城渡襄河截擊瀕行書告所部矢以必死國事五月七日貽書治安曰因戰區全面戰事關係與本身之責任均須過河與敵力戰決於今晚往襄河東岸進發奔我最終之目標死字邁進以後公私均請負責偏師既渡累與敵遇自忠率部奮戰皆勝北竄之敵歸路切斷其勢遂搖十日奉命東馳追敵於棗陽以南十四日及敵大部於方家集敵迴師反攻激戰竟日身前後落彈數百督戰益勵卒殲敵於大洪山西麓伏屍如積十六日敵援軍萬餘人暴至自忠處重圍中苦戰左右請稍却不許自晨至晡戰益益怒氣愈壯往返衝殺十餘次所部七十四師及特務營傷亡殆盡自忠右臂重創時去敵僅數百武左右曳引之輒瞋目叱曰此吾成仁日也有死無退既被六創猶奮臂高呼殺敵繼拔佩劍自裁為材官朱增元所奪會創發遂仆地於彌留屬息之際顧部屬

曰吾力戰而死自審對國家對民族對長官可告無愧爾曹當努力殺敵毋負吾志言畢遂殉於宣城之南瓜店年甫五十隨殉者高級參謀張敬園長洪進田主任副官馬孝堂少校副官費玉彬等及總部官兵數百人委員長蔣公聞訊震悼於其靈輓過淪日親臨撫恤為設桐櫛權厝於北碚又備述其忠勇事蹟電全國將士勉以增敵愾肅寇仇完成自忠未竟之志國民政府明令褒揚特頒卹金十萬元追贈陸軍上將生平事蹟存備宣付國史館三十一年十二月入祀忠烈祠三十六年五月明令國葬自忠於抗戰後不忘死綏轉戰各地未嘗離第一線大小百餘戰皆身先士卒所向無前軍中得暇則讀書研究學術每以倡導部屬曰國危至此軍人之辱惟發憤與必死差堪自贖耳其所造就之幹部分布全軍亦皆戮力國事無一人負自忠者嗚呼烈矣自忠妻李敏慧同縣人三歲失母當依外家幼秉禮教明大義年十八歸自忠長一歲孝事翁姑和睦諸姒勤儉善治家家益豐不以瑣瑣生事累其外自忠既貴顯敏慧茹素不改時昔倭變作後寓上海方寢疾自忠以疆戰死國事家人祕不以告踰三月微聞之泫然曰將軍死綏分也吾何悲雖然婦人亦自有分乃舉家事以託夫弟自明悉屏醫藥及所當施手術即絕粒子若孫環泣請緩死為諸孤計欲強食之堅不可七日遂卒年五十一時民國二十九年八月二十日也國民政府嘉其節題榜以褒之曰相成忠傑